



Broj:UP-I-13-15.04-5/15

Datum: 20.04.2015. godine

Komisija za papire od vrijednosti Brčko distrikta BiH, rješavajući po zahtjevu "Jelen" d.o.o. Brčko, podnesenog od strane ovlaštenog zastupnika "NOVA BANKA" AD Banja Luka, Filijala za poslovanje s hartijama od vrijednosti "Broker Nova" AD Banja Luka, Kralja Alfonsa XIII 37A za obavljanje usluge organizovanja postupka ponude za preuzimanje dioničkog društva „ Jelen i Staklorad “ Brčko, u predmetu odobrenja objavljivanja ponude za preuzimanje od strane "Jelen" d.o.o. Brčko, Petra Kočića 1, a na osnovu člana 65. Zakona o papirima od vrijednosti ("Službeni glasnik Brčko distrikta BiH", broj: 15/03, 27/04, 42/04, 28/07 i 14/12 ) i člana 13. stav (2) i člana 30. i 31. Zakona o preuzimanju dioničarskih društava ( " Službeni glasnik Brčko distrikta BiH" broj: 31/05, 33/12 i 34/12) na svojoj 94. sjednici održanoj dana 20.04.2015 godine, d o n i j e l a j e

### **R J E Š E N J E**

1. Odobrava se " Jelen "d.o.o. Brčko, Petra Kočića 1 kao ponudiocu, objavljivanje ponude za preuzimanje dioničkog društva "Jelen i Staklorad ", Brčko, Petra Kočića 1.
2. Utvrđuje se da ponuda za preuzimanje sadrži sve podatke propisane članom 12. Zakona o preuzimanju dioničarskih društava.
3. Utvrđuje se da je za "Jelen " d.o.o. Brčko, nastupila zabrana vršenja prava glasa na skupštini dioničara kod emitenta "Jelen i Staklorad " d.d. Brčko, do isteka roka važenja ponude za preuzimanje, koju je dužan objaviti na način i pod uslovima propisanim odredbama Zakona o preuzimanju dioničarskih društava.
4. Protiv ovog rješenja nije dozvoljena žalba ali se može podnijeti tužba Osnovnom sudu Brčko distrikta BiH za pokretanje upravnog spora u roku od 30 dana od dana dostavljanja rješenja.

### **O b r a z l o ž e n j e**

Rješavajući po zahtjevu podnesenom od strane ovlaštenog zastupnika "Nova Banka", Filijala za poslovanje s hartijama od vrijednosti "Broker Nova" AD Banja Luka, za obavljanje usluge organizovanja postupka ponude za preuzimanje dionica emitenta „Jelen i Staklorad“ d.d. Brčko u predmetu odobrenja objavljivanja ponude za preuzimanje od strane "Jelen" d.o.o. Brčko, Komisija za papire od vrijednosti Brčko distrikta BiH, utvrdila je i obaviještena je da je "Jelen " d.o.o. Brčko objavio namjeru za preuzimanje, putem Službenih glasila i dnevnih novina, te da posjeduje 315.431 dionica emitenta " Jelen i Staklorad ", što predstavlja 96,293934% % od ukupnog broja svih glasova emitenta, pa su shodno članu 15a Zakona o preuzimanju dioničarskih društava, bili obavezni ukoliko žele izvršiti preuzimanje sa klauzulom obaveznog otkupa, bez odlaganja obavijestiti emitenta, Komisiju i javnost, što su i učinili, te objaviti ponudu za preuzimanje pod uslovima i na način propisan Zakonom.

Shodno odredbama Zakona o preuzimanju dioničarskih društava 14.04.2015. godine "Broker Nova" AD Banja Luka u ime vlastodavca " Jelen " d.o.o. Brčko kao ponudioca, podnio je Komisiji za papire od vrijednosti Brčko distrikta BiH zahtjev za odobrenje objavljivanja ponude za preuzimanje dionica emitenta "Jelen i Staklorad " d.d. Brčko.

Podnosilac je priložio tekst ponude za preuzimanje i isprave propisane članom 12. Zakona o preuzimanju dioničarskih društava.

Uvidom u dostavljenu dokumentaciju utvrđeno je da:

- ponuda za preuzimanje emitenta sadrži sve podatke propisane članom 12. stav (1) Zakona o preuzimanju dioničarskih društava;
- ponudilac na dan podnošenja zahtjeva ima 315.431 dionica emitenta " Jelen i Staklorad " d.d. Brčko ili 96, 293934% od ukupnog broja svih glasova u Skupštini emitenta;
- najviša cijena po kojoj je trgovano u posljednjih godinu dana iznosi 5,05 KM i da se u ponudi za preuzimanje, za svaku dionicu koja je predmet ponude, ponudilac obavezao platiti cijenu od 5,05 KM;
- rok plaćanja deponovanih dionica iznosi 10 (deset) dana od dana isteka roka važenja ponude za preuzimanje;
- na posebnom računu ponudilac ima obezbjeđena sredstva i garanciju broj 1001001031 s „Nova banka“ AD Banja Luka za iznos od 61.307,00KM;
- ponudilac sa "Nova Banka ", Filijala za poslovanje s hartijama od vrijednosti "Broker Nova" AD Banja Luka ima zaključen Ugovor o brokerskom posredovanju i zastupanju u preuzimanju broj.72.548-A, kao i punomoć za preuzimanje svih pravnih radnji u cilju uspješnog sprovođenja postupka preuzimanja u skladu s Ugovorom o brokerskom posredovanju;
- ponudilac s Centralnim registrom RS ima zaključen Ugovor o deponovanju akcija broj 01-04-6247/15 od 08.04.2015. godine, kojim su precizirana međusobna prava i obaveze ugovornih strana u vezi sa obavljanjem poslova deponovanja dionica radi prihvatanja ponude za preuzimanje emitenta i da je na taj način ispunio obaveze propisane članom 10. Zakona o preuzimanju dioničarskih društava;
- je priložio izjavu ponudioca o samostalnom djelovanju;
- je priložio izjavu ponudioca da će objaviti ponudu za preuzimanje s klauzulom prinudne prodaje;
- pravno lice ima urednu registraciju u nadležnom sudskom registru.

Članom 15. stav (5) Zakona o preuzimanju dioničarskih društava propisano je da ponuđena cijena dionica iz ponude za preuzimanje ne može biti niža od prosječne cijene ostvarene na berzi ili drugom uređenom tržištu u periodu od godinu dana, pošto ponudilac nije u periodu od jedne godine prije dana objave ponude sticao dionice emitenta, cijena je utvrđena u visini od 5,05 KM. S tim u vezi, utvrđeno je da se ponudilac u ponudi za preuzimanje obavezao platiti cijenu utvrđenu na navedeni način. Ponudilac je odredio rok plaćanja deponovanih dionica u skladu s članom 15. stav (8) Zakona. Pored naprijed navedenog, Komisija je utvrdila da su svi ostali elementi ponude za preuzimanje utvrđeni shodno odredbama Zakona o preuzimanju dioničarskih društava, pa je na osnovu člana 13. stav (2) Zakona o preuzimanju dioničarskih društava odlučila kao u tački 1. i 2. dispozitiva rješenja.

Pošto je u članu 6. stav (3) Zakona o preuzimanju dioničarskih društava propisano da " dionice ponudioca i lica koje s njim zajednički djeluje ne daju pravo glasa, dok ponudilac ne sprovede postupak preuzimanja", te pošto od momenta nastanka obaveze objavljivanja ponude za preuzimanje pa sve do okončanja postupka preuzimanja, dionice s pravom glasa koje su predmet ponude, ponudilac ne smije steći na drugi način osim ponudom za preuzimanje shodno članu 27. stav (1) navedenog Zakona, a shodno članu 27. stav (2) Zakona o preuzimanju dioničarskih društava u navedenom periodu ponudilac ne smije otuđivati niti se obavezivati da će otuđiti dionice koje daju pravo glasa u skupštini emitenta, odlučeno je kao u tački 3. i tački 4. dispozitiva rješenja.

Tačka 4. dispozitiva rješenja zasniva se na članu 60. Zakona o papirima od vrijednosti i članu 31. stav (2) Zakona o preuzimanju dioničarskih društava, po kome su upravni akti Komisije konačni.

#### ***Pouka o pravnom lijeku***

Protiv ovog rješenja nije dozvoljena žalba ali se može podnijeti tužba Osnovnom sudu Brčko distrikta BiH za pokretanje upravnog spora u roku od 30 dana od dana dostavljanja rješenja.

Dostavljeno:

- Ponudiocu "Jelen" d.o.o. Brčko putem punomoćnika
- Punomoćniku "Nova Banka" A.D.Filijala " Broker Nova"A.D Banja Luka  
Kralja Alfonsa XIII 37A
- Emitentu "Jelen i Staklorad " d.d. Brčko, Petra Kočića 1
- Centralnom registru papira od vrijednosti RS,
- Banjalučkoj berzi papira od vrijednosti,
- Evidenciji,
- Arhivi

Predsjednik

Mirsad Bešlagić, MA